



UNIT KOMUNIKASI KORPORAT
IBU PEJABAT MARITIM NEGERI SARAWAK
AGENSI PENGUATKUASAAN MARITIM MALAYSIA
KEMENTERIAN DALAM NEGERI
Kompleks Maritim Tun Abang Salahuddin (KOMTAS)
Lot 1358, Jalan Bako, Muara Tebas
93050 KUCHING
SARAWAK



Telefon : **082- 432500 / 432540**
Fax : **082-432502 / 432557**
Bilik Operasi (24 Jam) : **082-432544**

Ruj Kami : APMM.W4.100-2/1/7 Jld11(35)
Tarikh : 03 Oktober 2022

SIARAN MEDIA

MARITIM MALAYSIA TAHAN DUA BOT TUNDA BERSAMA TONGKANG

MIRI, 3 OKTOBER- Agensi Penguatkuasaan Maritim Malaysia (Maritim Malaysia) Zon Maritim Miri telah menahan dua bot tunda bersama dua tongkang pada jarak lebih kurang 2.3 batu nautika barat daya muara sungai Baram, Miri sekitar jam 1.25 petang semalam.

Pengarah Zon Maritim Miri, Kepten Maritim Mohd Shafie bin Haji Paing berkata, penahanan dibuat berikutan lesen tamat tempoh dan kegagalan operator mengemukakan sebarang dokumen berkaitan semasa diperiksa.

Bot tunda pertama berserta tongkang dikendalikan tiga kru termasuk nakhoda warga tempatan yang kesemuanya berumur dalam lingkungan 20 hingga 54 tahun. Manakala bot tunda kedua berserta tongkang pula dikendalikan enam kru termasuk nakhoda yang terdiri daripada dua warga tempatan, dua warga Indonesia dan dua lagi warga India, berumur dalam lingkungan 24 hingga 56 tahun.

Kes akan disiasat di bawah Ordinan Perkapalan Saudagar 1952/60 kerana gagal mengemukakan sebarang dokumen.

Bot dan tongkang yang sarat dengan muatan kayu tersebut dalam perjalanan memasuki sungai Baram ditahan oleh Maritim Malaysia. Kesemua bot tunda dan tongkang ditahan untuk siasatan lanjut.

Maritim Malaysia akan terus komited dalam melaksanakan rondaan dan pemantauan dari semasa ke semasa bagi mencegah pelanggaran undang-undang, penyeludupan, pencerabohan dan jenayah maritim yang berlaku dip perairan Zon Maritim Malaysia.

Sebarang aduan serta maklumat berkenaan dengan sebarang salah laku dilaut, orang ramai boleh menghubungi Pusat Operasi Zon Maritim Miri di talian 085 418204 atau Pusat Operasi Maritim Negeri Sarawak di talian 082 432544 atau MERS 999 yang beroperasi 24 jam.

KEPTEN MARITIM MOHD SHAFIE BIN PAING
PENGARAH ZON MARITIM MIRI
MARITIM NEGERI SARAWAK

-TAMAT-

Sebarang pertanyaan, sila hubungi:-

Pegawai Perhubungan Awam Maritim Negeri Sarawak

Leftenan Madya Maritim Mohd Shafeyk bin Ahmad

No Tel : 014-8315242

Emel : mohdshafeyk@mmea.gov.my